

## البنات هيجنوني | الحلقة ( 30 ) | #الشباب\_والصيف | د.

### حازم شومان

حازم شومان

حياتنا غير لما تملى بالخير وفيها يفرح الغير ومن انها تحلى ايامك سابق الطير. وان جاري هون طير بتغيير شباب حرق حلالك السلام عليكم ورحمة الله وبركاته. حبيبنا الغالي. ازيك يا بطل عامل ايه؟ الحمد لله. اخبارك ايه؟ الحمد لله. واحشني يا عم -

00:00:00

تمام؟ الحمد لله. انت بخيل ولا ايه؟ مش هتعزمي على حاجة ولا ايه؟ انا اجيبي لك احلى عصير دلوقتي. حبيب قلبنا ده وقت عشاء مش وقت عصير. عشاء؟ اه. ايه مقلع عاش كمان شوية؟ ربنا يبارك فيك ويزيديك يا رب - 00:01:25

يا رب. طب عايزين نتعرف على بعض الاول. نتعرف على حضرتك الاول. طب ما اتعرف عليك انت الاول. والله انت الاول. حبيبنا ربنا يبارك فيك. انت بتسمع للارهابيين؟ لا ما اعرفش. يبقى انت مش هتعرفني بقى يبقى - 00:01:35

تعارفني منين؟ آآ حبيبنا انا يعني عايز اقول لك كلمتين كده بسرعة. يعني بص الف ترابيزة شباب قاعدين عليها على القهوة الوقتي. اشمعنى انت اللي ربنا اختارك انك تسمع عنه الوقتي. اشمعنى انت اللي ربنا باعت لك رسالة انك تسمع عنه الوقتي؟ يبقى ربنا بيحبك. يبقى ربنا رايدك. يبقى ربنا يريديك سبحانه وتعالى - 00:01:45

والرسول عليه الصلاة والسلام بيقول لا يؤمن احدكم حتى يحب لأخيه ما يحب لنفسه. انا مش جاي اكلمك لأن انا شايف ان انا احسن منك. انت ممكن تكون احسن عند ربنا من الف واحد - 00:02:05

انا جاي اكلمك لأن مش هابقى مؤمن الا لو حبيت لك اللي باحبه لنفسى. وانا باحب لنفسى الجنة. فباحب لك الجنة زي ما باحبها لنفسى. ان احنا نبقى مع النبي عليه الصلاة والسلام في الجنة. حبيبنا ربنا يبارك فيكم وربنا يحفزك. عايزين نتكلم مع بعض شوية. ولا انت ايه رأيك؟ خلينا نتكلم شوية - 00:02:15

واحد شايل الشيف يا برس. حبيبي ربنا يبارك فيك برضه شاي برضه مش عشاء! لما بعدها بقى. بعد الشاي يعني. حبيبنا ربنا يبارك فيك. عايزين نتكلم مع بعض. عايز اعرف مشاكلك - 00:02:33

ايه عايزين عايزين نسمع بعض. يعني مش بس انت تسمعني وانا اسمعك حابب صعبة يا شريف والله. ازاي؟ حابة صعبة جاي احلى شهيد الشيخ ربنا يبارك فيك. الف شكر - 00:02:43

الحياة بقت صعبة ازاي؟ الحياة بقت صعبة يا شيخ. ازاي بقى؟ والبنات آآ هيجنونا في كل حته. ازاي يا حبيبنا؟ كل حاجة بقت صعبة. باينة لما الواحد ما عدش عارف يمشي في الشارع الا ااما - 00:03:02

حبيبنا وايه يعني؟ ما هي دي مشكلة جامدة للشباب كلهم طيب بص انا هقول لك حاجة انت تدينى بس قلبك كده خمس دقائق ونتكلم مع شايفها يا شيف؟ شايفها شايف ايه؟ فين الصاروخ يا عم؟ الصاروخ في حد زاتنا هيمشي على اول الشارع ازاي؟ طب انا هقول لك حاجة بص ادينى ودنك خمس دقائق الصاروخ مش هيكون خلص - 00:03:14

الشارع بعد الخمس دقائق دول. لو انت ما اقتنعتش معي ها قم الحق الصاروخ قبل ما تخلص الشارع. خلاص يا حبيبنا بس خلي قلبك معي كده خلي ودنك معي وخلينا احنا الاثنين مع الله. سبحانه وتعالى. وربنا يفتح على قلوبنا كده وينزل الهدایة من عنده ان شاء الله بازن الله. قضية الشهوة. قضية البنات هيجنونى. قضية - 00:03:34

الشاب اللي مش قادر يقاوم الشهوة بتاعته. اللي بيقول لك انت ما انتش شايف البنات ماشية ازاي. انت مش شايف الدنيا بقت عاملة ايه؟ انت الشباب الوقتي ما بين عادة سرية ما بين موقع اباحية - 00:03:54

ما بين وقوع في زنا والعياذ بالله ما بين يعني الشباب ماشي يقول لك بص حل لي مشكلة البنات وانا اتوب. لو عايزني اجي معك المسجد الاقصى بعدها معك. انا تبت لوبنا عشر مرات والبنت اتصلت بي رجعتني. كل مرة في المكالمة قبل ما تخلص ترجعني. كسرت شريحتي مرتين وعرفت الرقم بتاعي وجابتني - 00:04:04

مشكلة البنات هي جنوا مشكلة فتنة النساء عند الشباب وفتنة الشباب عند البنات. المشكلة كبيرة جدا الوقتي. طب احنا نعالجها ازاي ؟ عايزين كلام عملي انا مش عايز اقعد معك الوقتي ونتكلم كلام نزري. عايزين نتكلم كلام عملي. عايزين نتكلم في الحلول. اول حل ايه؟ للمشكلة ديت؟ اول حل ان يكون بينك وبين ربنا - 00:04:24

صلة بينك وبين ربنا صلة حقيقة ربنا ما يسيبكيش ابدا بعدها. ربنا ما يسيبكيش تقع في المستنقع ده. ربنا ما يسيبكيش تقع لو الشهوات نادتك. زي مين في القرآن زي سيدنا يوسف لولا ان رأى برهان ربه كذلك لنصرف عنه السوء والفحشاء. ان ربنا سبحانه وتعالى ما يسيبكيش ابدا. طب عشان ربنا ما يسيبكيش - 00:04:44

لازم يكون بينك وبين ربنا صلة ربنا ما يتخلاش عنك بسببها. لازم يكون بينك وبين ربنا حال. بص يا حبيبنا انا هاقول لك حاجة. اي بنت عايزه توقع شاب او شاب عايز يوقع بنت. الموضوع بيمر باربع مراحل. اربع خطوات للانهيار. الخطوة الاولى اللي هي خطوة انها تبدأ تعرض نفسها عليه من بعيد كده. يعني ايه؟ تلبس لبس - 00:05:04

جميل تلبس لبس مسير. تبدأ تنعم صوتها تبدأ تحلی ابتسامتها. تبدأ تتكلم بطريقة تلفت النظر. تلبس لبس يلفت النظر. ده المرحلة الاولى ما جابتني نتيجة بتدخل في المرحلة الثانية. المرحلة الثانية ايه؟ ان يبقى فيه كبر من العلاقات. ان يبقى فيه اختلاط محترم. يبقى فيه مجال السيكشن الراوي - 00:05:24

الدرس في اي مكان يبقى فيه مجال ان احنا نتكلم مع بعض. ان يبقى فيه كلام وكلام محترم جدا وفي اي موضوع محترم. ما جابش نتيجة بتدخل في المرحلة الثالثة. عارف - 00:05:44

المرحلة الثالثة اللي هي ايه؟ المرحلة الثالثة بده الكلام اللي بيمس النفس. بده الكلام اللي نهايته كلمة باحبك. اللي نهايته كلمة باحبك. بده انت آآ انت غبت امبارح ليه؟ انت الكلمة اللي قلتها دي اسرت في اوبي. انت بده الكلام اللي فيه اهتمام خاص. اللي معناها انا واحدة بالي منك او انا - 00:05:54

واحد بالي منك. الكلام اللي نهايته كلمة بحبك او كلمة بحبك. المرحلة الرابعة اللي هي عرض النفس والعياذ بالله بقى. اللي هي مرحلة الزنا بقى والعياذ بالله. تعرف من الاربع مراحل دول مذكورين في قصة سيدنا يوسف. ربنا سبحانه وتعالى بيقول وراودته المرحلة الاولى. التي هو في بيتها المرحلة الثانية. عن نفس المرحلة - 00:06:14

الثالثة وغلقت الابواب وقالت هيتك لك المرحلة الرابعة. وراودته قال لك راودته ديت جاية من مراودة الابل. آآ يعني ايه مراودة الابل يعني ان الابل تفضل تروح وتيجي كده بالراحة. تفضل ايه الاست او البنت او الشاب حتى بالدوجل拉斯 وبالسماعات اللي في ودانه وبالمنزد - 00:06:34

يفضل ايه ييجي ويروح قدام البنات كده. تفضل تيجي وتروح قدامه. بصوتها بشكلها بلبسها. بحركاتها. يبقى ده المرحلة الاولى هو ده الاول انها تلفت نظره. مرة بعد مرة كده المرحلة الثانية التي هو في بيتها ما جابتني نتيجة. التي وفي بيتها يعني الولد والبنت قدام بعض. يعني الشاب والفتاة - 00:06:54

واحد الشاب والفتاة في مدرسة واحدة او في درس واحد او في مكان واحد ويبدأ الكلام المحترم. الكلام اللي ما فيش فيه اي حاجة عادي احنا بنقول ايه ده ما فيش اي حاجة ده انا بسألها عن الالة الحاسبة في درس الرياضة في السانوية العامة. ده انا بسألها عن ما فيش اي حاجة. المرحلة الثالثة بقى عن نفسه عن نفسه يعني - 00:07:14

الكلام يبقى يمس النفس. بلاقي الكلام اللي فيه اهتمام خاص. بلاقي الكلام اللي مغطى ان انا واحد بالي منك. انا واحدة بالي منك.

يبقى عن نفسي الكلام اللي بيمس اوتار النفس. اللي بيبدأ الشاب يحس ان البنت دي واحدة عينها عينها منه. ان تبدأ يحس ان البنت  
دي ان الشاب ده عينه منها. المرحلة - 00:07:34

وغلقت الابواب وقالت هيتك لك اللي هو والعياذ بالله الملكة ملكة مصر اتحولت لايها؟ انسانة بتفكر بشهوتها مش انسانة اصلا ده ده  
مرتبة حيوانية والعياذ بالله. اللي هو خلاص بقى شهوة الجسد طفت على الموقف دي الاربع مراحل. تخيل امرأة العزيز عملت الاربع  
 حاجات مع سيدنا يوسف - 00:07:54

الاربع حاجات. ومع ذلك سيدنا يوسف ما وقعد. الاربع مراحل اتعلموا معه ومع ذلك ما وقعد. ربنا بيقول ليه بقى؟ لولا ان رأى  
برهان ربك لولا ان رأى. يبقى هي كأن امرأة العزيز بتقول له انت مش شايف ملكة مصر اجمل واحدة في مصر. ومتغيرة ومتزينة -  
00:08:14

وفاتنة وجميلة ومنكسرة لك وبتحبك. انت مش شايف. الدنيا كلها بين ايديك. الدنيا كلها تحت رجليك. انت ما انتش شايف لا خايف  
الله امال ما بتتفتنش ليه ؟ لولا ان رأى لان هو شايف حاجة تانية. لانه هو شايف حاجة تانية خلته يعمى عن رؤية الفتنة عن رؤية -  
00:08:34

عارف كان شايف ايه؟ عارف سيدنا يوسف كان شايف ايه؟ كان شايف جلال ربنا. شايف جلال الملك سبحانه وتعالى اللي ما فيش زرة  
في الكون اللي بتسبح بحمده. ربنا اللي باسم - 00:08:54

واحد من اسماءه رزق الكون كله الرزاق اللي باسم واحد من اسماءه خلق الكون كله الخالق. اللي باسم واحد من اسماؤه الكون كله  
بيسبحه وبيجهر بالتالي تصبح ليل نهار. السبوح. سيدنا يوسف كان شايف. كان شايف الجنة يعنيه. كان شايف الجنة بقلبه عليه الصلاة  
والسلام. عشان كده امرأة العزيز تناديه - 00:09:04

ناديني زي ما تناديني. انا شايف اللي مخليني ما اناس شايفك اصلا لولا ان رأى. يبقى اول ما انت تشووف بنت تشووف واحدة لبسها  
مثير. اول ما البنت تفتتن يعني منز على النت او اي حاجة الحل ايه؟ اجري على حاجة تانية تعميك عن المنز اللي انت شفته اللي  
هو ايه؟ بص في المصحف، بص في السماء، بص اسجد - 00:09:24

لربنا وحلي قلبك ينظر لجلال ربنا سبحانه وتعالى. سيدنا يوسف كان شايف كان شايف النار. شايف النار بقلبه. لما مصنع من مصانع  
الحديد حصل فيه انفجار الناس اتنقلت المستشفى لرحمها داب. لرحمها داب والعياذ بالله. دا نار الدنيا. امال نار الآخرة شكلها ايه؟ لما  
من فترة حصل حريقة في مسرح الناس - 00:09:44

عرايا قدام الكاميرات. الناس خرجت عرايا والعياذ بالله ليه؟ بيتحرقوا وييموتوا. فيه ناس خرجت بتزحف من الحرق اللي مسك في  
جسمها. فيه ناس قوة تسعين في المية من جسمها اتحرق والعياذ بالله. وده كله غمسة في نار الدنيا. او مال غمسة في نار الآخرة. تعمل  
ايه في الانسان؟ عشان كده الشباب الوقتي لازم - 00:10:04

تقبل ان في حاجة اسمها حرام وحلال. عارف الحرام وفوبيا؟ حرام وفوبيا دي مشكلة دلوقتي عند الشباب. يعني ايه الحرام وفوبيا؟  
يعني الشاب دلوقتي مش عايز يسمع كلمة حرام. اول ما - 00:10:24

يجي له واحد يقعد معه كده ويقول له كلمة حرام خلاص شفت ده ليه؟ الشیخ ده متطرف. الشیخ ده مش فاهم. الشیخ ده ما ينفعش.  
الشیخ ده ما هوش عائش معنا ولا فهمنا ولا حاسس بنا - 00:10:34

يا حبيبي الحرام ديت نعمة من ربنا. لو الشارع اللي قدامك دوت فيه سلك كهربا عريان قلت لك ما تمشيش. ما تدخلش فيه. يبقى انا  
كده باكرهك ولا باحبك! يبقى انا - 00:10:44

كده متشدد ومتطرف ولا بذلك على مصلحتك؟ هي دي كلمة حرام. خد بالك في هنا حاجة هتضيعك. يبقى كلمة حرام ان احنا نفهم  
ان الاختلاط ما بين الولد والبنت ده حرام الاختلاط اللي اللي ما فيش له سبب ده حرام اختلاط الجامعة اختلاط الدروس الخصوصية.  
ربنا حرم الصحوية في القرآن مرتين. ولا - 00:10:54

اقدام ان البنت ما تاخدش اصحاب من الولاد. ولا متخدي اقدام ان الولد ما ياخدش اصحاب من البنات. يعني ربنا حرم الصحوية في

القرآن مرتين. مرة على البنت ومرة على الولد - 00:11:14

ربنا بيقول وازا سألتهمون متاعا يا ابو بكر وعمر. يا اصحاب النبي لو سألتم زوجات الرسول عليه الصلة والسلام اطهر خلق الله. عايزين منهم حاجة فاسألوهن من وراء حجاب. ليه ما نتكلمش مع بعض ؟ دا اطهر قلوب رجال واطهر قلوب نساء. ذلك اطهر لقلوبكم وقلوبهن. الله ! طب ازا كان دول - 00:11:24

محتاجين عدم الاختلاط عشان طهارة القلب. بيقى انا وانت اللي عادي الموضوع عندهنا ان احنا نصدق ان النز للبنت ده حرام. نزر ان الواحد ينظر سيدنا جابر ابن بيكول للنبي يا رسول الله نظر الفجأة انا ماشي كده لقيت بنت ماشية حلوة في الشارع بصت لها فجأة. النبي عليه الصلة والسلام قال له اصرف بصرك. ما تبصش حرام - 00:11:44

احنا نعرف ان انا احط ايدي في ايد بنت اسلم عليها بنت عمك ابن خالك الموضوع ده كله. بنت خالك الموضوع ده كله ما ينفعش. الرسول عليه الصلة والسلام بيقول لان يطعن - 00:12:04

في رأس رجل بمحيط من حديد خير له من ان يمس امرأة لا تحل له. ان لمسة ايد كده في سلام فما بالك لمسة ايد في غرام مالك ما هو اكسر من لمسة الايد فما بالك ما هو اكسر من هزا ان احنا نعرف ان علاقة الحب الحرام دي حرام ليه بقى لان ازا كان ربنا حرم عليهك - 00:12:14

انك انت تبص لها هيحل لك انك انت تحبها. ازا كان ربنا حرم ان زوجتك توصف لك واحدة اجنبية وانت ما تعرفهاش. هيحل لك انت اللي تبص لاوصافها بعينيك ازا كان ربنا حرم عليك الوقفة معها هيحل لك انك انت تتكلم معها. قضية الشهوة قضية صعبة اوي عند الشباب. قضية الشهوة قضية مبهلة - 00:12:34

شباب فعلا ولكن لازم نشوف لها حلول عملية. عارف من ضمن الحلول العملية ايه ؟ ان انت تعرف لو انت صبرت عن الشهوة عشان كده ربنا هيديك ايه ؟ لو انت صبرت عن العادة السرية والواقع الاباحية والاختلاط على السوشيال ميديا وفي المصايف لو انت صبرت عن كل - 00:12:54

الشهوات ربنا يديك ايه ؟ عارف ربنا يديك ايه ؟ عارف اول جايزه ايه ؟ الفردوس الاعلى. لان ربنا بيقول في اول سورة المؤمنون والذين هم لفروجهم حافظون اللي هيحفظ الفرج عن هزه المعاصي والشهوات اوئلهم هم الوارثون الذين يرثون الفردوس. بقى اللي اللي هيحافظ على لان الشهوات دي جزابة - 00:13:14

طب لو انا قاومت يا رب وصبرت الفردوس الاعلى. طب لو قاومت وصبرت كمان يا رب تقف في زل عرش الله يوم القيمة. طب جبت الكلام ده منين ؟ النبي عليه الصلة والسلام قال - 00:13:34

سبعة يظلمهم الله بظله يوم لا ظل الا ظله. عارف منهم ايه ؟ عارف يا حبيينا منهم ايه ؟ منهم شاب رجل دعته امرأة ذات منصب وجمال. فقال اني اخاف الله. يعني بنت بتعرض على ولد علاقة. او ولد بيعرض على بنت علاقة. قالت له انا خايفه من ربنا. في ظل عرش الله - 00:13:44

يا نهار ابيض ! عارف كمان اللي بيصبر عن الشهوات دي ربنا بيدي له ايه ؟ بيدخل الجنة ومعه ضمان من النبي عليه الصلة والسلام. مش بيجيبي جهاز كهربائي ومعه ضمان من الشركة خمس سنين - 00:14:04

النبي عليه الصلة والسلام قال من يضمن لي ما بين لحيه اللي هو اللسان وما بين رجليه اللي هو الفرج اضمن له الجنة. ضمان من النبي عليه الصلة والسلام. بقى انت متخل - 00:14:14

كل ده التلاتة اللي اتقفل عليهم الصخرة. الثاني اتعرض عليه الزنا وقدر عليه. ولكن تعفف عنه بعد ما قدر عليه. ربنا عمل له ايه ؟ فتح له الصخرة في الجبل يعني ربنا يزيل الصخور اللي في حياتك ويفتح لك الابواب المفولة بسبب العفاف دهو. يعني الانسان اللي اللي هيصبر على - 00:14:26

دهيت ربنا هيديء له ايه. عارف العكس بقى العكس اللي مش هيصبر على الشهوات ده ايه ؟ اللي هيدخل المستنقع ده اللي هيعيش في المستنقع ده هيموت في المستنقع ده ربنا بيقول سواء محياهم ومماتهم. انا مش عايزك تزهق مني. انا عايزك تفك معندي في الكلام. لو

قلبك اشتغل في الكلام اللي انا باقوله لك. انت هتبأ - 00:14:46

تعيش معي فيه. انما لو قلبك ما اشتغلش معي انت ممكن تقدر تقول الشيخ عايز مني ايه بقى الوقت؟ انا كنت قاعد مزاجي عنب وقاعد على القهوة وقاعد مستني صاحبي واهصر سهرة - 00:15:06

انما لو قلبك لقط مع كلام ربنا هتبأ تحس بالنور اللي في كلام ربنا. سبحانه وتعالى النور اللي ربنا باعاته لك انت الوقت. اللي ربنا باعاته لك دلوقتي الرسالة اللي ربنا باعاتها لك انت وباعتها لي انا. لأن قعدتنا دي هتشهد علينا يوم القيمة. تبقى حجة لنا او حجة علينا 00:15:16 -

اللي هييعيش في المستنقع ده يموت في المستنقع ده. انا كنت مع شاب من الشباب قال لي العربية بتاعتي دي واحد صاحبي استلها مني. شاب من الشباب واقف معه بيقول لي - 00:15:36

استلها مني صاحبي. اتاري انه جاب بنت وهم الاثنين وقعوا في الزنا في العربية وقفوا وفتحوا التكيف. وقفوا العربية جوة جراج. الاثنين ماتوا مخنوقيين. الاثنين ماتوا بيقول لي اعمل ايه عشان اكفر عن الزنب ده؟ في العربية دهيت؟ اللي هي العربية بتاعته. انا اعرف شاب اعرفه. واعرف مكانه، واعرف المحل التجاري بتاعه كان فين - 00:15:46

طالع مع بنت على الطريق السريع يعني والعياذ بالله في وضع مخل مات وهو على الطريق السريع. اهله ما رضوش انهم يصلوا عليه الجنائز. من الفضيحة اللي هم خافوا منها - 00:16:06

يعني اللي هييعيش الشاب اللي امه دخلت لقته ميت وهو عاري قدام النت قدام موقع اباهي عاري بعد ما وقع في العادة السرية. اللي هييعيش المستنقع ده هيموت في المستنقع ده. اللي هييعيش على ده هيموت على ده. يبقى خسائر ان الانسان يستسلم خسائر فادحة. عشان كده الرسول عليه الصلاة والسلام بيقول ايه؟ حفت النار - 00:16:16

الشهوات. يعني ايه حفت النار بالشهوات؟ يعني الشهوة بتاعتك يا شاب؟ الشهوة بتاعتك يا بنت الشهوة بتاعتكم يا شباب الشهوة اللي بتخليك عايز تكلم بنات الشهوة اللي بتخليك عايزه تلبيسي اللبس الديق وتسيري الشباب وده يكلمك وده وده تتكلم معها وده. الشهوة دي هي دي اللي بيمنها وبينها وبين جهنم خطوة - 00:16:36

اللي هيقرب من الشهوة كل ما بيقرب منها بيقرب من جهنم من برة شكلها حلو ومن جوة نار. زي ما جهنم من برة شكلها حلو ومن جوة ومن جوة نار - 00:16:56

فين حلول عملية؟ نعمل ايه مع مشكلة الشهوة ديت؟ نعمل معه ايه؟ عارف؟ فيه صورة جميلة قوي في القرآن اسمها سورة ايه؟ سورة النور. سورة النور دي ربنا بيتكلم فيها. القرآن بيقول لك لو كل البنات اتنقت. ولو كل الشباب اتجوزوا ولو كل الفتمن راحت الشمال هيفضل - 00:17:06

شمال عايز النور بيجي لازم النور بيجي من جواك. اوعي يا شاب يا اللي مستني ان كل البنات تتحجب وكل الاختلاط يروح عشان تنتوب. الكلام ده عمره ما هيحصل غير - 00:17:26

يوم القيمة الكلام ده بقى كمان يعني الناس هتبعد عرايا ولا يعني ربنا سبحانه وتعالى يكسونا من حلل الجنة. اللي مستني الزروف هي اللي غير لازم انت اللي تتغير من جوة. عشان كده شف حبيبنا ربنا بيقول ايه قل للمؤمنين ايه؟ يغضوا من ابصارهم ويحفظوا فروجهم. الاية اللي بعدها وقل - 00:17:36

المؤمنات يغضبن من ابصارهن ويحفظن فروجهن ولا يبدبن زينتهن. ولا يبدبن زينتهن الا مذار منها. ما تمشيش ببادي. تمشيش بالسترتش. ما تمشيش باكسسوارات تلتف نظر اي حد ما تمشيش بخمستاشر نوع من الكشف في وشك. ما تمشيش ببنطلون ضيق. ما تمشيش باسمش. ولا يبدبن زينتهن الا مظاهرا - 00:17:56

انت نفسك زينة على بعضك. ما ينفعش انك تزهري زينتك. بعدها ربنا قال ايه؟ الاية اللي بعدها وانكحوا الايامى منكم. جوزوا اللي مش متجوزين. اخر حاجة في دول هي ايه انححوا الجواز. كان المتوقع ان اول حاجة الشاب يتجوز عشان الشهوة تروح. ربنا قال له غض بصرك قبل ما يقول له اتجوز. لأن اللي هيتجوز وهو شمال - 00:18:16

وهو من جوة شمال. الجواز مش هيعرفه. الجواز بيعف العفيف. بيعف اللي عايز يستعف. عشان كده ربنا قال للراجل غض بصرك قبل ما يقول للمرأة لا يبدين زينتهن وده اعجاز ربنا في القرآن. ليه؟ لأن لو هي انتقبت لو هي مشت في صندوق لو كل الستات مشوا كل واحدة كده لابسة صندوق كده وماشية. والراجل - [00:18:36](#)

جوة شمال الفتنة مش هتروح برضو. لازم الحل بيجي من جواك انت الاول. سورة النور بتقول لك لازم النور يجي من جواك الاول. فربنا كلام الراجل قبل ما يكلم اووعي تفتكر ان الستات هي الحل. الستات هي سبب المشكلة. التبرج بتاعهم. ولكن الحل لازم يبقى من جواك انت الاول. مش الست هي اللي هتحل لك مشكلتك - [00:18:56](#)

عشان كده ربنا قال غض بصرك قبل ما يقول لها استري الزينة بتاعتك. قال لك غض بصرك قبل ما يقول لك اتجوز. ليه؟ لازم النور يجي من جواك الاول كده يا حبيينا - [00:19:16](#)

الحل العملي ان لازم كل واحد فينا يحترم لحزمات ضعفه انا اعرف واحد شاب من الشباب بيقول لي انا تبت والحمد لله وبدأت اصلي من اول رمضان وبعد كده في النص بيقول لي بقول لك ايه؟ قلت له ايه؟ قال لي بص يا دكتور انا - [00:19:28](#)

اه انا زنيت في نهار رمضان. طبعا هو قال الكلمة انا لازم طبعا ايه انت طبعا شاب زي الفل يعني انا مش بتكلم على اللي زيك. انت ما شاء الله الصلاة منورة ووشك انت ما انت اكيد بتصلني صح - [00:19:43](#)

الفجر صح؟ اه. صلي الفجر حاضر كل يوم. وشك منهور. انت شغال في شركة الكهرباء اصل وشك منور اووي يعني مش معقوله النور ده كده جاي كده عادي يعني. لازم فيه حاجة جامدة يعني. حبيينا الغالي لما باتكلم عن حد ده ده الشباب الوحش مش آآ انت ما شاء الله شاب محترم يعني من القهوة للبيت ومن القهوة للبيت اه. ما فيش يعني ايه مية مية يعني. مزبط الحمد لله. بيقول لي البنت اه بنت آآ بيقول لي وقعت في الزنا في نهار رمضان. مسكت اعصابي كده وعملت انا ايه مش عايز اجهزه يعني. هو مش مجعوز اصلا فانا مش عايز اعمل له مفاجأة. فبقول له طب ليه - [00:20:09](#)

قال لي هي السبب. انا والله ما كان في نيتني حاجة. ولا كنت قصدي حاجة. انا قاعد اتخيل الموقف الكلام اللي بيحكى يعني هو وهي كانوا في مكان مفهول طب هي دلوقتي فتنتك. طب انت ايه اللي وداك؟ احترم لحزة ضعفك. زي مرصيصة بيعبد ربنا. خد حط اختنا عندك في الصومعة - [00:20:29](#)

يا عم احترم لحزة ضعفك. الشاب اللي ينزل يقف في وسط الجامعة في وسط مهرجان التبرج اللي موجود. الشاب اللي يروح في شهر تمانية مارينا الله طب انت رايح فين ؟ الشاب اللي بينزل النادي الساعة تمانية بالليل يوم الخميس. وهو عارف ان هو ماسورة تبرج طفحة. طب انت دلوقتي احترم لحزة - [00:20:49](#)

طافك ما تقدرش تستقوى على نفسك في الدين، برضي صداع بسبب البنت اللي بقت معه في الصومعة. والشاب اللي انا اعرفه ربنا يهديه ويتوب عليه. الحمد لله هو بيتقدم يعني - [00:21:09](#)

وقع في الزنا في نهار رمضان بيقول لي اقسم بالله ما كان في نيتني حاجة. ولا كنت عايز حاجة اصلا. انت سبحان الله العظيم يعني هو عرض نفسه شف لازم يحترم في لحزة ضعفه. عشان كده يا حبيينا وانت بتقول البنات هيجنونا. ويا شيخ شف لنا حل في البنات. ولو عايزينا نفتح فلسطين نفتحها بس شيلوا لي - [00:21:19](#)

المشكلة دي من قدامنا. مش قادرين فعلا لبس البنات. البنات بيعملوا الوقتي الأربع والشباب بيعملوا مع البنات الأربع خطوات. بتوع الانهيار خطوة التي هو في بيته بيتها خطوة عن نفسه. ها والخطوة الرابعة اللي هي غلقت الابواب. الشاب هيروح فين - [00:21:39](#)

كده ربنا قال للبنات الأربع حاجات دول. ربنا قال للنساء في القرآن اربع حاجات. رقم واحد ولا يبدين زينتهن. حرام عليك. ولا يبدين اصعب تكليف المرأة في القرآن كله حرام عليك. تفتنيهم ببسك. حرام عليك تفتنيهم بصوتك. حرام عليك تفتنيهم بابتسماتك. ولا يبدين زينتهن. حرام عليك - [00:21:59](#)

الحاجة الثانية اللي ربنا قالها لها قال لها ولا متخذات اخدان. خدني يعني صاحب يعني انتيم. حرام عليك تصاحبى الرجال. حرام

عليك الحاجة الثالثة يتربصن بانفسهن. ربنا قال يتربصن بانفسهن للمرأة اللي جوزها مات. بعض العلماء قال لك السست جواها ضف داخلي واحتياجي - 00:22:19

لوجود راجل في حياتها محتاجة فطريا راجل في حياتها. فربنا بيقول لها اللي جوزها يموت في بعض السنات متلهفة على الجواز. بيقول لها ايه؟ يتربصن بانفسين. امسكي نفسك انت يا اللي مش متوجزة مشاعرك مش ملك نفسك. دي ملك زوج المستقبل. انت دلوقتي بتخونيه. انت الوقتي بتاخدي من حقه اللي ربنا اداه له. من قبل ما تعرفيه وتعرفي هو مين - 00:22:39

ممكين بيقى انسان ما يستاهلش انك تعتملي معه كده. ولا يستاهل ان انت تخونيه بالغيب بالمنزد ده. فالثالثة وتربيصن بانفسين. امسكي نفسك عن العلاقات مهما كان جواك احتياج لراجل بيقى في حياتك يسندك في الدنيا ربنا هيبعنته لك. احسن من اللي انت واقفة معه. التكليف الرابع الزانية والزانى فاجلدوا - 00:22:59

الزانى. ليه ربنا قال الزانية قبل الزانى؟ يعني لو هو حصل زنا انت السبب. انا السبب ليه؟ هو انا ما لي؟ انت اللي فتحت الباب. لولا انت فتحت الباب عشان كده يعني - 00:23:19

كنت لسة مع شاب كده فيبيقول في السانوية العامة لما كانوا بيأخذوا الدروس درس الرياضة مسلا عايز يعرف البنت دي بتتكلم ولا ما بتتكلمش. هو الللة الحاسبة دي هي الماركة اللي الاستاذ قال عليها - 00:23:29

ولا؟ لو ردت بيقى خلاص البنت دي بتتكلم. لو لغت بيقى البنت دي بتتكلم. الله! ما تقفل الباب من اولها. يا جماعة ان الذين فتنوا المؤمنين والمؤمنات ثم لم يتوبوا فلهم عذاب جهنم. بتفتنوا بعض ليه؟ شباب بيفتن البنات والبنات بتفتن الشباب ليه؟ عايزين انا دلوقتي باكلمك يا حبيينا حلول عملية - 00:23:39

ازاي ان بيقى فيه صلة بينك وبين ربنا؟ ربنا ما يسيبكيش بسيبها. ازاي ان لازم النور يجي من جواك انت ما تستناش الزروف هي اللي تتغير. اوعي تفتكر الزواج هيعرفك. اوعي تفتكر الحاجات دي كلها - 00:23:59

العفيف. احترم لحظات ضعفك. اعرف سواب ربنا لك لو انت صبرت عن الشهوات دي. واعرف المشاكل لو انت وقعت فيها. خليك راجل بقى خليك راجل. يعني اشتغل ما تدخلش على السرير غير وانت مهدود بعد شغل ليه؟ عشان الشهوة ما تتحكمش فيك. اشتغل الشباب - 00:24:09

ما بيشتغلش ليه؟ صم انه له وجاء. صم اعبد ربنا صحبة صالحة. كل الحاجات دي كلها بتخلي الواحد راجل في مواجهة الشهوة عشان كده عايزين نواجه الشهوة عايزين نواجه الشهوة بمعرفة الدار الاخرة - 00:24:29

الشاب اللي هيعرف الدار الاخرة هيقدر يواجه شهوة. اللي هيعرف رصيده خلص. بس الحساب لسه ما خلصش عارف رصيده خلص بس الكلام لسة ما خلصش. رصيده خلص بس الحساب لسه ما خلصش. ساعة الحشر لو رصيده خلص ما كفash انك تقف في ظل عرش الله - 00:24:46

هتتفق خمسين الف سنة في شمس القيامة. هتقول طب لسة على يوم القيامة قد ايه عما يخلص. الحساب لسة ما خلصش. لسه اربعين الف سنة. هييجي الميزان. لو خلص. ما كفash ان كفة الحسنات تطب دي مصيبة. هتقول لهم طب لسة قد ايه على ما يوم القيامة يخلص. الحساب لسة ما خلصش. لسه تلاتين الف سنة. هييجي العصر - 00:25:04

على الله. لو رصيده خلص. رصيده الحسنات ما كفash. ان انت ان تاخد كتابك بيمينك. طب هتعمل ايه؟ طب لسة قد ايه على يوم القيامة اما يخلص الحساب لسه ما خلصش. لسه عشرين الف سنة. تيجي على الصراط لو رصيده خلص. ما كفash ان الحسنات تنور لك الطريق من على شفير جهنم. طب لسة قد ايه - 00:25:24

يوم القيامة لسة عشر تلاف سنة رصيده خلص بس الحساب لسة ما خلصش. يوم القيامة صعب. والنار صعبة. وعذاب ربنا صعب والجنة عظيم والانسان لازم يفكرا. والانسان زي ما ربنا قال على سيدنا يوسف لولا ان رأى هو لما شاف كل الكلام ده بقلبه الفتنة ما قصرتش فيه. بيقى لازم حاجة - 00:25:44

تشغل الفراغ اللي جوة قلوب الشباب. عشان الفتنة ما تأثرش فيهم. رصيده خلص. بس الحساب لسه ما خلصش. حبيينا الغالي. انا

فرحان ان احنا قاعدين مع بعض وانا حاسس ان انت ساكت كده مش عارف الصمت ده وراه ايه - 00:26:04

والله يا شيخ يعني مقتنع ولا مش مقتنع ولا بتتفكر في حاجة خدت بالك مني؟ بعيد عن كل المشاكل دي كلها والبنات اللي في الشوارع وكده في مشكلة جدا. يا راجل! اه والله. الله! انت من شوية كنت بتقول بنات هيجنوني والدنيا صعبة. اصعب منها يا شيخ. اصعب من كمان فتن النساء؟ قل يا حبيبنا قل. احب واحدة - 00:26:19

نفسی اتجوزك الله اکبر. واحدة معینة بقى. البنت دي کفایة بس اسمع صوتها عندي في الدنيا كلها. الله اکبر. صوتها كده بیخلیني من جوايا انا على طول بشوف صورة احلى حاجة في حیاتي كلها اصلا. بتحبها. مش عارف اعمل ايه - 00:26:39

حبيبنا يعني ده کده هو الموضوع اتفیر خالص انت کده انت سایبیني بقى من اولها بقى بتكلم في مشكلة وايه وفي مشكلة تانية صعبة. سبحان الله بص حبيبنا الغالي شباب كتير عندهم المشكلة دي. اووعي تفتقرك ان المشكلة دي مشكلتك انت لوحدك. مشكلة بحبيها - 00:26:57

وبتساعدني في قيام الليل ولو سبتها بنتكس وما اقدر اشتغل استغنى عنها وباشوف صورتها في كل حاجة. انا مقدر عواطفك. اووعي تفتقرك ان انا بسخر منك. اووعي تفتقرك ان انا مش مقدر العطف - 00:27:37

اللي جوة قلبك ومش مقدر المشاعر اللي جواك. اووعي تفتقرك ان ربنا سبحانه وتعالى مش لا يعلم انت يعني جواك قد ايه الحب ده نار. الحب ده عاطفة صعبة. الشباب للأسف علاقة اولها بآيدك واخرها مش بآيدك. هي دي مشكلة الحب. في الاول انت بتسلم عينيك - 00:27:49

واحدة بتسلم ودانك لواحدة بس لو قلبك لقط خلاص العلاقة ما عادتش بآيدك. تبقى محتاج مع جوزة من ربنا عشان تطلع منها. بص يا حبيبنا انا هاقول لك حاجة كلمة بحبك وعلى فكرة انا عايز اقول لك وقل للشباب بتوعنا. عايز اقول لك واقول لحبابينا انا باقول لكم كلکم حاجة. انت وحبيبنا اللي انا قاعد معه دلوقتي باتكلم معه يا جماعة - 00:28:09

خدوا بالکم يا اخوانا کلمة بحبك دي الكلمة اللي بتلبس قلب كل واحد مننا. الكلمة اللي ما فيش حد مننا يقدر ان هو يستغنى عنها. الكلمة اللي كل بنت وكل ولد مستبني اليوم والساعة واللحزة اللي تتقابل له فيها. من الانسان اللي نفسه ان هو يسمعها - 00:28:30

كلمة بحبك عمر وسلمي احمد ومني شادي وسالي اتنين شباب اتنين شباب اتعرفوا على بعض على الفيس اتكلموا مع بعض فترة طويلة. وفي يوم من الايام عمر داخل مخنوق ومدايق وتعبان. فباقول له ما لك؟ انت انت النهاردة اعصابك مخنوقه ليه - 00:28:48

انا انا تعبان. انا جوايا حاجة کاتمها ومش قادر اقولها. قل ففضفض. قل اللي جواك. انا انا عايز اقول مشاعري لوحدك جوة قلبي مشاعر تجاه واحدة ومش قادر اقولها لها. خايف انها تكسبني. والله ما هتكسفك بس انت قل. قل. يعني طب افرض كسافتني ده هي - 00:29:08

مستبنيه انها تسمعها. ما تخافش. انا انا بحبك. ياه! الكلمة اللي انا نفسی اسمعها من زمان. اخيرا قلتها. فاکر يا عمر! فاکر اول مرة تقابلنا مع بعض على الفيس. فاکر اول مرة اتكلمنا مع بعض لما انت شيرت بوست ديني. البوست جنبي. عجبني جنان. عملت لك شير ولايك - 00:29:28

وما احناش على اليوتيوب بس عملت لك سبسكرايب. انا حسيت ان انت فعلا اعجبت بالبوست الديني. عشان كده بعت لك بعدها طلب صداقة. قلت لك لو انت عايزه اي اي بوست دين اعمله قولي لي عشان ابعته لك على طول عشان اساعدك في قيام الليل. واساعدك في زکر ربنا سبحانه وتعالی. ایوه يا عمر يا حببی. عشان كده - 00:29:53

انا بعثتها دخلت على الصفحة بتاعتك وعملت لايک لاي حاجة انت بتنزلها. كل حاجة عملت لها لايک وانا قدرت الایکات اللي انت بتعملها. دخلت كل في لايک عملتني له کومنت. كنت باقول لك مع كل لايک بتعمله لي. جزاک الله خيرا. بارک الله فيك يا سلمي. ربنا يحفظك ويبارك فيك - 00:30:13

انت فعلا نموذج المتدينة اللي بحق و حقيقي. ایوه يا عمر بس فاکر فاکر يا حببی لما انت قعدت يومين بعدها ما تدخلش انا كنت هتجنن عليك جدا ورغم ان اخلاقي لا يمكن ابدا ابدا تخليني اقدر اكلم شاب على الخاص على الفيس الا ان انا ما قدرتش ما اكلمكش

على - 00:30:33

واطمئن عليك عادي يعني زي اي واحد صاحبي. حاجة بريئة جدا. ايوة يا سلمى وساعتها انا فعلا قدرت ده وبالذات لما بدأت ناقشيني في المشكلة اللي عندك في الاسرة بتاعتكم. انا ساعتها حسيت ان مشاعري ناحيتك غير شعوري تجاه اي بنت تانية. عارفة وحسست بده منك يا حبيبي - 00:30:53

وعشان كده بعث لك على الخاص قلت لك اني احبك في الله. وبعث لك على الخاص قلت لك انت نموذج الشاب المتدلين بحق وحقيقي. وانا حسيت بك فعلا ساعتها فاكرة لما قلت لك فاكرة كل حاجة بيمني وبينك. فاكرة لما قلت لك ساعتها قلت لك انت فعلا نموذج البنت اللي انا اتمنى - 00:31:13

ان انا اتجوزها. يا بخط اللي هيتجوزك. انا نفسي في يوم من الايام اتجوز واحدة زيكم في صفاتك. وفي اخلاقك وفي عقليتك. انت فعلا حاجة ماجيك وانا بعدها فعلا بدأت احس ان انت معاملتك اتغيرت لي. وبدأت كده يا عمر احس ان انت بدأت تغير علي. بدأ يبقى في غيرة كده. لما - 00:31:33

اعمل لايكم لاي شاب او لما اي شاب اقبل طلب الصداقة بتاعتكم بدأت احس ان انت بتغير مش عارفة ليه. اي شاب على الفيس على الواتس على في اطيب في البلاش في النادي رغم ان كلها علاقات بريئة. بس انا ساعتها بدأت احس ان مشاعري ناحيتك خلاف اي مشاعر تجاه اي شاب تاني - 00:31:53

وبدأت استنى كل ليلة ان انت تقول لي اجمل كلمة مستنيها منك. كلمة بحبك واديك قلتها اهو. حبيب قلتنا يا فارس. انت تعرف شفت انا عارف اسمك ازاي. ها رغم ان انت ما قلتليش اسمك. انت تعرف اللي انا قلته ده الوقت ده. ده التطور الطبيعي لكلمة بحبك. ده الفصل - 00:32:13

الاولاني اللي كل الشباب بيبيص له ونفسه انه يحب ويتحبب. ما هماش عارفين ان في فصول تانية في العلاقة. ده مش النهاية. ده الفصل الاولاني بس اللي كله بيبيص للفصل - 00:32:33

الجميل وناسى الباقي. الحب ده زي الزوجية ده بداية الزوجية. البداية بيبقى لسة اللي بيركبها لسة متحكم في نفسه. اول ما بيفقد سيطرته على نفسه في النص الثاني من الزوجية. التلت الثاني من الزوجية بيبدأ يفقد التلت الثاني بقى اللي هو الفصل الثاني. اللي هو انا عايز اشوف صورتك. تبعت له صورتها ما انا في - 00:32:43

حلال انا انا اصلا نفسى في علاقة راقية بيمني وبينك. تبعت له صورتها بيبدأ يدخل شهرین يتغزل في كل ملمح. من ملامحها بعد كده ابدأ رقم التليفون بعد كده المكالمات اللي يعني يعني ازاي الشباب اصلا عارفين ان ربنا بيسمعهم ويعملوها. بعد كده بيبدأ السقوط - 00:33:03

في الوحل بعد كده يدخل الفصل الثالث كان فيه مجموعة من الشباب راجعين من المصيف. فالطريق الطريق آآ طريق ساحلي. الطريق قافلين الكوبري عشان الشباب يعدوا من تحت. الناس يعدوا من تحت. قافلين الكوبري بصخور - 00:33:23

الناس ان في صخور قافلة الكوبري اللي هو المطلع ده. عشان الناس تعيدي من تحت. الشباب ما عرفش يفرمل. دخل في الصخور كل الشباب ماتوا. اللي كانوا في العربية. اهي دي مشكلة - 00:33:37

زحليقة دي ان نهايتها صخور. اللي بيرمي نفسه في زحليقة اخرها مية. اخرها رمل فرحان. انما دي اخرها صخور. اخرها الفصل الثالث. يا اما طلاق. لو حد منهم متجوز ما بيقدرش يكمل. يا اما جواز ولكن جواز بيتملى بالندم. انت عارف علاقات الحب. اصل الحب الحرام صعب ان ربنا بيارك فيه - 00:33:47

الحب اللي قام على اساس حرام ما حدش هياخد واحدة من خزائن ربنا غصب عنه. فالحب اللي قال على اساس حرام صعب ان ربنا بيارك فيه. عشان كده تيجي شف بقى بعد ما بيتجوزوا لما واحد في الالاف منهم بيتجوزوا بيبيقوا ايه تموت على روحك من الضحك. حبيب قلتنا انا مقدر مشاعر قلبك. ومقدر ان انت - 00:34:08

قلبك مليان عواطف تجاه واحدة معينة. تزعلش مني لو انا قلت لك ان الموقف بتاعهم يموت من الضحك بعد كده. يعني طفل بيقول

لابوه بعد ما اتجوز واحدة وبقى شف قصص الحب اللي كانت قبلها. بيقول له يا بابا هو الحب اعمى؟ قال له بص لاما وانت تعرف -

00:34:28

ايوة كده الضحكة دي حلوة. حبيب قلبنا تعرف الضحكة بتاعتك دي اغلى عندي من الدنيا واللي فيها. اه والله. عارف الضحكة بتاعتك  
دي اغلى من اي كريب بتجيبيه. اغلى من اي - 00:34:45

كورونا بالفراخ تعزمي عليها بعد ما نخلص. اغلى من اي حاجة في الدنيا. طفل تاني بيقول لباباه يا بابا هو الحمير بتجوز؟ قال له يا  
ابني هو اتجوز غير الحمير - 00:34:55

اتنين ماشيين في الشارع مراتاتهم تاهوا منهم. فقادعين يدوروا على مراتاتهم. فواحد بيقول لل الثاني هو مراتك لابسة ايه؟ عشان ندور  
عليها. قال له لابسة بلوزة قصيرة بنطلون جينز ضيق. انت بقى مراتك لابسة ايه؟ قال له يا عم مراتي مين خلينا في مراتك دلوقتني  
ندور عليها! واحد نايم جنب مراته - 00:35:08

يعني وقصص حب قبل الجواز رهيبة. فدخل حرامي فبتقول له خد بالك في حرامي في الشقة قال لها عيب انت نايمة جنب سبعة.  
شوية الحرامي تبقى في الاوضة قالت له الحرامي في اوضة النوم. قال لها عيب. انت نايمة جنب سبع. شوية الحرامي شالها  
وبيخطفها وبيخرج. بتقول له الحرامي شالني وبيخطفني. قال لها عيب انت سايبة - 00:35:28

الله! ده كان الحب الرهيب اللي قبل الجواز والمشاعر الرهيبة اللي قبل الجواز. واحد بيقول لباباه طفل راجع من المدرسة بيقول له يا  
بابا هو ايه الفرق بين القدر وبين المصيبة. قال له يا ابني لو مامتك نزلت تستحمي في البحر - 00:35:48  
وسبحان الله العظيم يعني غرفت قضاء وقدر. قال له امال المصيبة. قال له لو حد انقزها. فانا واحد وراح مع مراته. حبيبنا انا عايزك  
تضحك. انا عايز افرشك. انا مش عايزك تبقى مهموم. الشباب قاعد مهموم. الشباب قاعد في حزن على على وشوشهم وحزن جوة  
قلوبهم. عايزين نضحك - 00:36:03

لان ربنا مش هيسيينا. ربنا مش هيخل عننا. خد مراته بقى بعد قصص الحب اللي قبل الجواز وراح يشتري لها جزمة.  
فبتقول للراجل عايزه جزمة كعبها قال له لأ جزمة من غير كعب. قالت له لأ كعبها عادي. قال له لأ من غير كعب. كعبها عالي من غير  
كعب. كعبها. فالراجل بيقول لجوزها بيقول له يا عم وانت ما لك - 00:36:23

هو انت اللي هتبسها؟ قال له يا عم هو انت اللي هتضرب بها. فاحنا الحب القضية قضية انه علاقة بدايتها بايدك ونهايتها مش بايدك.  
عارف المشكلة ايه؟ المشكلة ان دي طعم كلمة بحبك من ولد او من بنت. انما طعم كلمة بحبك - 00:36:43

لو من مراتك في الجنة عربا اقرب عرب يعني تعرف تقول بحبك. تعرف تعرف عن مشاعرها. لو طعمك كلمة بحبك من جوزها في  
الجنة. يسقون من رحيق والله ما انت مادة ايدك تشربي. انا اللي هسقيك بايديك يا حبيبي. لو طعمك كلمة بحبك من رسول الله  
صلى الله عليه وسلم. كان ابن مسعود يقول للربيع ابن خثيم يقول له - 00:37:01

لو رأك رسول الله صلى الله عليه وسلم لاحبك هيحبك. كان حبك النبي لو شافك يحبك. الشاب اللي قاعد على  
القهوة الوقتي وبيفك في البنت بيص لدبي ويبيص لدلي. لو النبي عليه الصلاة والسلام شافه هيحبه - 00:37:21

طعم كلمة بحبك. طعم كلمة احبك عبدي من ربنا. ان الله اذا احب عبدا نادى في اهل السماء ساد جبريل اني احب فلان. تخيل كلمة  
الحب ده اهي من ربنا سبحانه وتعالى. سلام قولنا من رب رحيم. عارف المشكلة ايه يا حبيبنا - 00:37:34

المشكلة ان هي تسمع كلمة بحبك. في الحرام في علاقة محرمة. يا تسمع كلمة بحبك في طاعة ربنا سبحانه وتعالى. الرسول عليه  
الصلاه والسلام بيقول في البخاري من شرب الخمر في الدنيا لما يشربها في الآخرة. كلمة بحبك لو انت سمعتها في الحرام في الدنيا  
وما تبتش منها. خاف انك تتحرم منها في الآخرة - 00:37:54

كيف ان كلمة بحبك لو انت ما سمعتها في الطاعة لو انت سمعتها في الحرام ممكن تتحرم انك انت تسمعها في الطاعة. عشان كده  
الموضوع كبير الموضوع مش صغير عايزين نفك مع بعض. اعرف قصة مدرسة وجوزها موظف. الراجل يرجع من الشغل. الست  
ترجع تطفح الدم وتطبخ - 00:38:14

شوف العيال ودروسهم ومذاكرتهم. بيجوا بعد العشاء عايزه تقدر مع جوزها شوية. يدخل يقفل على نفسه مع النت يقدر يكلم النساء على النت. الست هتنجحن وهي اللي معلمah النت اصلا - 00:38:34

فقمت داخلة وغيرت بقى حاجات في الباسوورد وال حاجات اللي زي ديت. وقمت داخلة باسم رقيق جدا. وقمت داخلة تتكلم معه فاتقتن بها. فيبيقول لها أنا نفسي اتعرف عليك اكتر. أنا نفسي أنا نفسي اسمع صوتك. فهي كانت مزعوبة. ده مراته هيعرف صوتها على طول. ومع ذلك كلمته اول ما كلمته عارف قال لها - 00:38:44

قال لها ده انقي صوت سمعته في حياتي كلها. وبدأوا يتكلموا مع بعض. القليل قال لها أنا اصلا ما بحبش مراتي وعايش معها عشان الأولاد. قالت له وانا جوزي قاعد على النت - 00:39:04

طول اليوم وسايبني. قال لها جوزك ده بارد. جوزك ده ما بيحسش. جوزك ده ما بيفهمش. أنا نفسي اقابلك. أنا عايز اقابلك باي طريقة. الازم اقابلك. قالت له عايز تقابلني - 00:39:14

قال لها اه. قالت له طب استنى دقيقة واحدة. وقمت خارجة من الاوضة ومخبطة على الاوضة بتاعتهه وبعد شوية فتح عايزه ايه ؟ عايزه ايه مني ؟ مش انت عايز تقابلني ؟ أنا جيت اقابلك اهو. طبعاً اتصدم يعني اللي أنا حبيتها ده ايه ؟ واللي أنا مفتون بصوتها - 00:39:24

وبشخصيتها وعايز اسيب مراتي عشانها هي مراتي فيه ناس الحاجة لما بتبقى حرام بتبقى جميلة لو بقت حلال ما يحسوش بلزتها حتى الحب الحب كده انت عارف المرأة اللي راحت الكعبة قالت لهم اين بيت ربي ؟ قالوا لها هذا بيت الله. وضعت خدها على الكعبة وقالت بيت ربي بيت ربي وماتت - 00:39:40

والشاب اللي بيحب بنت اول ما جت له متزينة نزل سجد لها من حبه لها مات. دي ماتت من الحب وده مات من الحب. ولكن خدمة بين الحبدين عشان كده حبيبنا ربنا بيقول والذين امنوا اشد حبا لله. اشد حبا لله. ان اللي هيمل قلبه حب ربنا سبحانه وتعالى - 00:40:00

انا مش هيبقى عنده فراغ في قلبه الحب حرام بعد كده. طب اعمل ايه ؟ الحب متمكن مني. حبيبي ماشي. ما هو مش كل حاجة انا نفسي فيها اقدر ان انا اقرب منها - 00:40:20

خد بالك ان الزواج لا يجب ما قبله. وفي شباب كتير يقول هتجوزها. ولو اتجوزتها علاقتك الحرام بها قبل الجواز ممكن تدخل النار بسبيها. لأن مش معنى انك اتجوزتها كل نزرة وكل كلمة وكل مكالمة ربنا غفرها لك. ما دي زنوب عايزه توبه الى الله سبحانه وتعالى. عشان كده الحل اصبر. ما تباقاش عامل زي اللي جه الساعة اتنين - 00:40:30

الضهر في في نهار رمضان مش قادر عطشان اصبر. قولوا لي حل عملي اصبر. اصبرى عواطفك المتفجرة جوة قلبك دي اصبرى. تلات اربع سنين تتجوزي وهتبقى في الحال. عواطفك الرهيبة اللي جوة قلبك. اصبر اصبر على كلمة بحبك. اصبرى على كلمة بحبك. اصبر لان ده - 00:40:50

الطلاق حرام قايمة على اساس حرام. ربنا مش هيبارك فيها. نهايتها يا طلاق. يا نهايتها زواج مندوم عليه. يا نهايتها انتخار. كنت في جولة على القهوة شاب بيقول لي صاحبي في سانوية عامة هو شاب في سانوية عامة حب بنت ابوه قال له مش هجوزها لك الوقتي ولا اخطبها لك الواد انت حر. يا انتخار يا كسرة قلب طول العمر - 00:41:10

لان تسعه وتسعين في المية ما فيش جواز بعد كده تحطيم نهاية العلاقات ديت مش هو البداءات بتاعتها خالص. مش هو المنزه الكل متعلق بالفصل الاول. وما هوش عارف نهاية الزوحلية شكلها ايه - 00:41:30

عشان كده حبيبنا والذين امنوا اشد حبا لله. اعظم حب في الوجود. انك تعيش مع حب ربنا وربنا هيديك الحب الحال. وهيديك الانسانة اللي تحبك من كل قلبها. وهيديك الانسان اللي يحبك من كل قلبها. احساس انت سبت - 00:41:44  
حاجة عشان حب الله. سيدنا ابراهيم ربنا بيقول واتخذ الله ابراهيم خليلا يعني حب ربنا تخل في قلب ابراهيم. هو ده الحب. هو ده الحب الحقيقي سيدنا محمد عليه الصلاة والسلام بيقول للسيدة عائشة لا ينام قلبي. عيني تمامان ولا ينام قلبي. من حب الله ما

00:42:02 بینامش. عینیه بتنم وقلبه عایش مع حب الله -

سبحانه وتعالی. ربنا بيقول على المؤمنين وذروا البيع. ذر يعني ارمي. ساعة ما ساعه ما حبيبک يناديک ارم كل حاجة من ايدک. زي ما حبيبک تتصل بك كده ترمي المزكريات حتى لو ليلة الامتحان. حبيبکي طب حب الله اللي اعظم من اي حب. اللي اعظم من اي حاجة في الوجود. ان احنا نعرف حب ربنا ده ممكن يغير - 00:42:22

اهم حاجة ان الفراغ اللي جوة قلوبنا ده يتusal. اهم حل لمشكلة الحب عند الشباب. ان الفراغ اللي ملي بحب المخلوق يتحط مكانه حب الله. والشاب يعرف ان العلاقة دي ما ينفعش تستمر. اقول لك حاجة؟ اقول لك حاجة بس ما تتفاجئش. انت عارف انت لو - 00:42:42

من علاقة الحب الحرام دي. انت فكرک ان الموضوع كده خلص وسبتها؟ انت تعرف ان كل مرة بصيت لها فيها. وكل مرة اتكلمت معها فيها. انت كده اعتديت على عرض ابوها واخوها هيأخذوه منك يوم القيمة. عارف يعني ايه؟ عشان كده البعض قال لك لما تتوب من علاقة حب حرام افضل طلع - 00:43:02

لابوها واخوها. ليه؟ لأن يوم القيمة هيقولوا لك هات لنا حقنا. ده عرض بنتنا. يعني هقول لك حاجة. لو حرامي جه سرق محفظتك. سرق محفظتك. ده الاشد ولا يكلم مراتك مكالمه عاطفية؟ الاشد ايه؟ - 00:43:22

شد واطي. الاشد يكلم مراتك العاطفية. يعني انت الوقتي لو رحت سرقت محفزة من واحد وجبت توبة تقول ايه؟ لازم ارجع له حقه. لازم اطلع صدقات عشان يوم القيمة يسامحني. اطلع صدقات له - 00:43:39

طب لو انت بقى كلمت عرضه وكلمت مراته وكلمت بنته وكلمت اخته انت فكرک ان ده قال رسول الله صلى الله عليه وسلم ان دمائكم واموالكم واه اعراضكم عليكم حرام. كله حرام المال زي العرض بل العرض اشد من المال. كمان فالقضية قضية ان احنا عايزين نبص للموضوع من فوق. عايزين - 00:43:49

نشوف الموضوع نشووفه صح. السيدة مریم ربنا بيقول اذ انتبذت من اهلها. يعني تخيلي كده معی انتبذت احباب الناس اليها بعدت عنهم ونبذتهم عشان تعيش مع حب الله سبحانه وتعالی. يبقى حب الله ده ممكن يغريك عن البشر. ممكن يخليك تنسى حب البشر. بص يا حبيبنا - 00:44:09

بكرة ايات كده في القرآن. حسستني انا انا ايات الجنة في القرآن كل ايات جنة في سورة بتحسستني بعيشة غير الثانية. ايات سورة الغاشية دي في شهر تمانية اللي احنا فيه ده في عز الصيف بتحسستني بالقرى السياحية والمنتجعات السياحية العالمية. في فيها عين جارية. سرر مرفوعة. اكواب موضوعة. نمارة - 00:44:29

مصفوفة زرابية مدفوفة جميع انواع الاعداد. رحت قرية سياحية فاخرة قبل كده قعدات عربي. قعدات ساحلي قعدات رياضية. قعدات في الفلل قدام الشاليهات قعدات للكبار اللي الحبيبة اللي عايزين يقعدوا رومانسي على ايه؟ على الحاجات اللي هي الامبرلات اللي بيعملوها. عاملين جميع انواع الاعداد. سورة الغاشية بتحسستني ان المنتجات - 00:44:49

الساعات السياحية بتاعة الجنة ما لهاش زي. سورة ياسين بتحسستني بالقعدة الرومانسية اللي ما لهاش حل. شف ربنا بيقول ايه. ان اصحاب الجنة يوم النهاردة كانوا امبارح حاربين نفسهم. اليوم في شغل فاكهون هم وازواجهم. هم وازواجهم دي اللي كان الشاب هيموت عليها في الدنيا - 00:45:09

انا وحبيبتي انا وحبيبي. نقدر مع بعض بس. فربنا بيوصف لك شف بقى القعدة الرومانسية الجميلة. هم وازواجهم. في شغل عارف انت كده لما تكون قاعد حبيبک اللي بتتحبها تقوم داخل حامل الحالة على الواتس انا مشغول. ما حدش يكلمني. كل السوشیال میدیا والتواصل الاجتماعي في الجنة. اه ينبط - 00:45:29

ما حدش يتكلم عليه. انا مع حبيبکي. انا مشغول الوقتي ما حدش له دعوة بي. في شغل ايه؟ فاكهون. في الدنيا ما كانواش فاكهون. في الدنيا مترقبين خايف اخويا يشوفها ومخنوقين وطب هنعمل ايه؟ طب نتقابل ازاي؟ طب ازاي الناس ما تشوفناش واحنا قاعدين مع بعض؟ هنا فاكهون. هم وازواجهم - 00:45:49

في ظلال في ظلال دي قاعدة رومانسيه بقى في نور رومانسي بقى. على الارائك الاريكه دي كوشة الفرح عريس وعروسة. متكون الدنيا قاعدين طب هنتجوز منين ؟ طب هجيب لك الشبكة منين ؟ طب هنسكن فين ؟ طب هتقول لابويا ايه ؟ لو اتقدمت له. طب ابويها هيوافق ازاي ؟ قاعدين متنكدين - 00:46:09

هنا بقى متكون اخر انتخة واخر نعيم لهم فيها فاكهة بيتخدموا بيتخدموا ولهما ما يدعون. ما تيجي يا حبيبتي نركب يخت ونطير في بحر من بحر الجنة مع بعض. ما تيجي نركب يا حبيبتي ونسوق على سرعة سبع تلاف كيلو في الساعة. ونطير مع بعض كده - 00:46:29

على الموج كده ما تيجي ولهما ما يدعون. اللي هو عايزه هو وحبيبته مع بعض. شف القعدة دي لانه ضحى بالعلاقة الحرام في الدنيا انما اللي خد العلاقة دي في الدنيا ضيع ده في الجنة. من لبس الحرير في الدنيا لم يلبسه في الآخرة. فاللي اللي بيأخذ الحب حرام - 00:46:49

هو الخسران. وزى ما قلت لك يا حبيبنا الزواج لا يجب ما قبله بتحبها او بتحبها ولا بتحبني ؟ لا بحبك. ولا بنحب ربنا سبحانه وتعالى ؟ حبيب قلبنا الغالي. احنا في زمان صعب - 00:47:09 احنا في زمان اللي احنا فيه ده ما فيش فيه رمادي. يا ابيض يا اسود. يا انسان مع ربنا يا واحدة مع ربنا - 00:47:27

يا اما هيتجرف يا اما انجراف ما فيش في الزمان ده وسط. واحد عارف يقف ما بين الطاعة وما بين المعصية. يعني ربنا يحفزنا اللي هيعيش في مستنقع الموضوع عارف اللي بيشد حبل كل ما يشد حنة تيجي الحنة اللي بعده اهو ده اللي داخل في في الطريق ده. طريق الشهوات والحب الحرام هو هو بيتهيا له انه هيعرف - 00:47:37

يفرمل المعصية عربية ما لهاش فرامل. ما فيش فيها فرامل. مرة واحد عرض علي حاجة معينة ان انا اعملها. فاستخرت ربنا اقبلها ولا اأ. وكان هييجي من وراها كان وزيفة في الدنيا يعني حاجة في الدنيا. و كنت انا لسة طالب. وكان هييجي من وراها عائد مادي كبير جدا جدا جدا. بس كان هييقى فيها تعرض لفتنة نساء - 00:47:57

جبارة. يعني المهنة دي كان فيها تعرض لفتنة نساء رهيبة. رهيبة. فانا استخرت ربنا ونمط. حلمت ان في عربية كده انتهى وبعد ما طارت بي فلقيت جدار قدمي وميدان قدمي جاي ادوس بنزين ما لقيتش بنزين ما انا جاي ادوس فرامل ما لقتش فرامل - 00:48:17

صحيت من النوم وانا قلبي مخلوع قلت سبحان الله! ده ده الحاجة اللي انعرضت علي. ده دي المعصية. دي الفتنة. اللي انت بيتهيا لك انا هافرمل. لا لا وما فيش حياة واحدة هتقدر - 00:48:37

علمي وهقدر ان انا اعمل كذا وما يحصلش معي اي مشاكل. حبيبى ما فيش فرامل هتيجي تحط رجلك وانت داخل في حيطة هتكشف ان ما فيش فرامل. عشان كده حبيبنا الغالي - 00:48:47

يعني بص انا عارف ان انت حتى لو سبت اي حب حرام. ولو سبت الفتنة كلها. ولو الشاب التزم والبنت التزمنت. احنا بشر يا جماعة. احنا بشر الكل متأس بالشهوات اللي موجودة مهما عملت لو انت احترمت لحظات ضعفك. لو انت لولا ان رأى وفعلا واتمل - 00:49:00

قلبك بديل في حب الله سبحانه وتعالى. لو انت بقىت راجل واشتغلت وصمت والتزمت وخدت صحبة صالحة. لو انت افتكرت سواب الصبر على الشهوات. لو انت بقى وبينك وبين ربنا صلة بحيس ان ربنا ما يسيبكمش تقع في فتنة. لو انت من جوة الحنة الشمال اللي جوة نفسيتنا اتعالجت. الواحد بقى عفيف. يعني مش مستنى ان الدنيا تتصلح عشان اصلاح - 00:49:20

كل ده لو حصل برضو هيفضل الفتنة صعبة. برضو اولئك الذين امتحن الله قلوبهم للتقوى. هيفضل الامتحان موجود. برضو مش هتبقى الدنيا جنة بقى وانا مش هاممني وانا باشوف البنات وما يهمنيش. وانا باشوف الفتنة لأ هتفضل تتعجب. لأن النبي عليه الصلاة والسلام قال كده القابض على دينه كالقابض على الايه - 00:49:40

على الجمر هيفضل الالتزام عايز صبر. وهو ده اللي ربنا بيديك السواب عليه. هو ده الشاب اللي بيقول لك آآ الشاب اللي عنده حرامه فوبيا ده اللي هو عنده فوبيا من كلمة حرام. ما تقوليش حرام. ما تقوليش سب. عنده سببه فوبيا. اوعى تقول لي سبب. اوعى تقول له اترك. اوعى تقول لي ضحي. يا ابني اللي ما بيقدرش يسيب عشان ربنا - 00:50:00

ما ينفعش يشيل دين. اللي مش هيضحي عشان ربنا ده ما ينفعش يشيل دين. اللي عايز بديل من المتعة واللذة عن كل حاجة ده. امال السواب على ايه موسى بيقول لربنا هي عصاي اتوكل عليها. اهش بها على غنميه. يا رب ده كل مصالح حياتي. مرتبطة بالعصاية دي. قال له القها. ارميها. رماها. ما قالوش هات لي البديل يا رب - 00:50:20

فاللوش البديل انا هاسيب عشانك. وانا واسق ان من ترك شيئا لله عوضه الله خيرا منه. ابو هريرة كان بيقع من طوله في المدينة المنورة من الجوع كان يطلب حديث النبي عليه الصلاة والسلام. بقى امير المدينة. سلمان الفارسي سلمان الفارسي اللي ان شاء الله يعني سلمان الفارسي. الساب بلاد ساب قرية في بلاد - 00:50:40

فارس عشان ربنا بقى امير بلاد فارس. ام كلثوم بنت عقبة سابت مكة تهاجر للنبي عليه الصلاة والسلام. اتجوزت اغنى الصحابة عبد الرحمن بن عوف. عبد الرحمن بن عوف ساب فلوسه في مكة عشان يهاجر للنبي عليه الصلاة والسلام. قال بعدها ظننت اني لو رفعت حجرا لوجدت تحته ذهبا. ربنا هيعرفوك. من ترك شيئا لله عوضه الله - 00:51:00

خيرا من ربنا هيعرفوك في جوازك. ربنا انا اعرف يعني اخوانى اللي ضحوا بعلاقات الحب الحرام. لما عرفنا بعض بقى من عشر سنين ولا حاجة لهم كانوا لسه لو شفت جوازاتهم الوقتي واستقرارهم ومبرأة ربنا لهم في زواجاتهم وذرياتهم. تقول يا رب انا نفسي ابقي زي دول. كل واحد منهم كان بيحب - 00:51:20

على علاقة حب محمرة ولما التزم سابها. لما سابها ربنا رزقه بعد كده جوازة من احسن الجوازات. واسعدها واكترها استقرارا. طب لو ما سابش ربنا الديان. الديان لا يموت. السهرة اللي انت هتسهرها على الفيس او على السكايپ او على مكالمات فودافون المجانية تكلمها فيها. مراتك اللي هتتجوزها بعد - 00:51:40

خمس سنين قاعدة في نفس الليلة بتتكلم مع شاب وبيقول لها نفس الكلام اللي انت بتقوله. للبنت اللي انت بتتحب فيها ديت ومش هتتجوزوا بعض في الآخر. سلف ودين من - 00:52:00

عرضك الديان لا يموت. اسم الله الديان هنا بقى الديان لا يموت. عايزين نعرف انت محتاج لربنا. ده انت لو لك مصلحة عند واحد ما تعصيهوش. طب انت مصلحة حياتك كلها عند ربنا سبحانه وتعالى. يعني شاب بيقول للنبي اتبعتك على ان اضرب بسهم ها هنا فاموت فادخل الجنة - 00:52:10

وانت كل حلمك ان انا المس ايديها. انها تقول لي كلمة حلوة كده ولا كلمة وحشة ولا كلمة يعني سيئة في مكالمة كده الساعة اتنين بالليل وده كل الحلم بتاعنا - 00:52:30

ربنا سبحانه وتعالى. العلاقة بربنا ما بتتعوضش. اللي هيخرس علاقته بربنا مش ما حدش هيرحبك زي ربنا. وما فيش حد هيدي لك زي ربنا. ما فيش. انت بقى قاعد في زنقة تقوم قايم متوضي بيصلني ركعتين معيط له يحل لك كل مشاكلك. عايز تتجوز عايز شغلانة واوه - 00:52:42

به وا وضوء. ره ركعتين به بكاء. وضوء. ركعتين لحل اي مشكلة في الحياة. بس على شرط تبقى مع ربنا. فليستجيبوا لي استجيب لي وهو يستجيب لك. عايزين نتعلم ان احنا نصبر. عايزين نتعلم ان احنا نصبر يا شباب. انا وحبيبينا - 00:53:02

الشاب الجميل دهوت واحنا قاعدين القعدة الجميلة ده ايه اللي لستة لا جاب لنا فيها عشاء لحد دلوقتي ما شفناش غير الشاي والقهوة. واحنا قاعدين القعدة الجميلة ده نتكلم ويفتح قلبه لي وبفتح قلبي له. وبنتكلم مع بعض عن البنات هيجتنونى. اعمل ايه؟ الحل يا شباب اصبروا يا شباب. الحل زي ما - 00:53:22

الف سورة يوسف انه من يتقي ويصبر فان الله لا يضيع اجر المحسنين. الحل ان انت تصبروا. الحل والذين شاهدوا فينا لنهدينهم سبلنا. هعرفك الطريق للسعادة. هعرفك الطريق للفرحة في الدنيا والآخرة. بس اصبر عشان ربنا. الاية - 00:53:42

بترعب قلب الواحد. قل ان كان اباكم وابناؤكم واخوانكم وازواجكم وعشيرتكم واموال اقترفتموها وتجارة تخشون كсадها  
ومساكن ترضونها احب اليكم من الله. احب اليكم من الله ورسوله وجهاده في سبيله فتربصوا حتى يأتي الله بامرها. لازم ربنا يبقى  
احب حبيب لنا. احد السلف بيقول جاهدت في قيام الليل سنة وتلذذت - 00:54:02

به عشرين سنة. البنات هيجننوني. هن Jihad شهوتنا سنة. هن Jihad نفوسنا في بعد عن اللي بنحبها واللي بتحببه سنة  
تتلذذ بالقرب من ربنا عشرين سنة. اللهم تب علينا. نرفع ايدينا وندعى ربنا حبيبنا. اللهم تب علينا. اللهم تب على الشباب - 00:54:32  
اللهم اهدي شباب امة محمد. اللهم احفظهم من فتن النساء. اللهم احفظ الشباب من فتن النساء. واحفظ النساء والبنات من فتن  
الشباب الرجال اللهم نجنا من الفتنة ما ظهر منها وما بطن. اللهم استعملنا ولا تستبدل بنا. اللهم استعملنا ولا تستبدل بنا - 00:54:52  
اللهم استعملنا ولا تستبدل بنا. اللهم ظهر بلادنا من الواقع الفاسدة ومن الزنا والخنا. ومن الخمور والمخدرات ومن التبرج والسفور.  
اللهم تب علينا من كل ذنب تبنا اليك منه ثم عدنا فيه. تب علينا توبة لا نرد على اعقابنا - 00:55:12  
بعدها ابدا. اللهم امين. اللهم امين. عشنا مع البنات هيجننوني. مع فتن النساء. يا رب نكون استفدىنا. وميعادنا الخميس  
القادم ان شاء الله سبحانه وتعالى وبحمدك اشهد ان لا اله الا انت استغفرك واتوب اليك - 00:55:32

اه - 00:55:52